

Dem sie allhie auff erden wol/  
Gedienet hat/ gantz vberall/  
Vnd gefangen ist/gangen zur handt/  
In abgrundt ist ihr nam beandt/  
Da ward er disz Kindt fähren hin/  
Das tractieren nach seinem sin/  
Da wird sein heulen/ greinen viel/  
Vnd zehnen klappern in dem spiel/  
Hastu nu wol gesoffen aus/  
So nim auch hie vor lieb/ ohn graus/  
Ich mein das sauffen wird dir besalzen/  
Das du dein hendt zu Gott möchtest salzen/  
Vnd wöllu hettst nie kein suff gthan/  
Vnd werst der seuffrey müssig gahn/  
Aber da ist dann/wedr hülff/ noch rhat/  
Kein erlösung man zhoffen hat/  
Denn in der hell/ist kein erret/  
Noch erlösung zu hoffen steht.

**D**arumb hätt euch/ihr Christen Leut/  
Wie ich euch des ermahne heut/  
Das ihr der gaben Gottes recht/  
Gebrauchet wie die trewen knecht/  
In Wein vnd Bier/saufft euch nicht voll/  
Ein nüchtern leben gfelt Gott wol/  
Beschwert nicht ewer Leib vnd Seel/  
Mit vollsauffen/zu halb vnd heel/  
Seidt sobern/vnd wachet mit fleiß/  
Denn wenn der Herr kömpt/man nicht weiß/  
Das er euch nüchtern/wachendt findt/  
Vnd ihr dann seidt sein liebes kindt/  
Mit ihm auch geht zur frewd hinem/  
Da ihr ewig bey ihm werdt sein/  
Des helff vns allen Gott der Herr/  
Das sich all welt durch ihn bekehr/

Vnd